

Na osnovu člana 16. stav (4) Zakona o naučnoistraživačkom radu („Službene novine Tuzlanskog kantona“, broj: 14/18, 8/21, 16/22, 9/23, 3/24, 2/25 i 18/25), člana 79. stav (2) Zakona o izvršenju Budžeta Tuzlanskog kantona za 2026. godinu („Službene novine Tuzlanskog kantona“, broj: 18/25), i Odluke o utvrđivanju programa iz oblasti naučnoistraživačkog rada i tehnološkog razvoja koji će se finansirati ili sufinansirati iz Budžeta Tuzlanskog kantona za 2026. godinu (broj: 10/1-35-000670-3/26 od 17.3.2026. godine), ministar obrazovanja i nauke Tuzlanskog kantona uz prethodnu saglasnost Vlade Tuzlanskog kantona, broj: 02/1-35-670-10/26 od 17.3.2026. godine, donosi

O D L U K U

o utvrđivanju uvjeta, kriterija i postupka dodjele sredstava za program osnovnih, primijenjenih i razvojnih istraživanja

I – OPĆE ODREDBE

Član 1.

(Predmet)

Ovom odlukom utvrđuju se uvjeti, kriteriji i postupak dodjele sredstava iz Budžeta Tuzlanskog kantona za finansiranje ili sufinansiranje programa osnovnih, primijenjenih i razvojnih istraživanja (naučnoistraživački projekti).

Član 2.

(Finansijska sredstva)

(1) Sredstva za finansiranje ili sufinansiranje programa osiguravaju se u Budžetu Tuzlanskog kantona za 2026. godinu na poziciji „24010019 – Nauka“.

(2) Prilikom raspodjele sredstava iz stava (1) ovog člana uzet će se u obzir potrebe i interesi naučnoistraživačkog razvoja Tuzlanskog kantona, potrebe i interesi naučnoistraživačkog razvoja univerziteta i drugih naučnoistraživačkih ustanova, kao i razvoj naučnoistraživačke djelatnosti, a u skladu sa Strategijom razvoja Federacije Bosne i Hercegovine 2021.-2027. godine, Strategijom razvoja Tuzlanskog kantona za period 2021.-2027. godina, te drugim sektorskim strategijama i strategijama razvoja lokalnih zajednica na području Tuzlanskog kantona, kao i drugim strateškim dokumentima na državnom i međunarodnom nivou.

(3) Za finansiranje ili sufinansiranje programa iz stava (1) ovog člana za 2026. godinu odobrit će se sredstva u iznosu od 285.000,00 KM

(4) Maksimalan iznos traženih i odobrenih sredstava za finansiranje ili sufinansiranje po jednom naučnoistraživačkom projektu može biti do 20.000,00 KM

II – UVJETI I KRITERIJI ZA DODJELU SREDSTAVA

Član 3.

(Uvjeti za finansiranje ili sufinansiranje)

(1) Uvjeti za finansiranje ili sufinansiranje troškova osnovnih, primijenjenih i razvojnih istraživanja (naučnoistraživačkih projekata) su:

- a) da je podnosilac projekta upisan u Registar naučnoistraživačkih organizacija koji se vodi u Ministarstvu obrazovanja i nauke Tuzlanskog kantona (u daljem tekstu: Registar naučnoistraživačkih organizacija) zaključno sa danom objave javnog poziva,

- b) da je voditelj projekta upisan u Registar istraživača koji se vodi u Ministarstvu obrazovanja i nauke Tuzlanskog kantona (u daljem tekstu: Registar istraživača) zaključno sa danom objave javnog poziva,
- c) da se istraživački tim koji realizira predloženi projekat sastoji od najmanje tri člana upisana u Registar,
- d) da voditelj projekta ima najmanje naučni stepen doktora nauka,
- e) da naučnoistraživačka institucija raspolaže sa prostorom i naučnoistraživačkom opremom za obavljanje istraživanja.

(2) Ministarstvo obrazovanja i nauke (u daljem tekstu: Ministarstvo) neće finansirati ili sufinansirati projekte za koje su u cjelokupnom iznosu obezbijeđena sredstva iz drugih izvora i projekte koji ostvare manje od 50 bodova u skladu sa kriterijima iz stava (6) ovog člana.

(3) Kriteriji za bodovanje projekata su sljedeći:

a) referentnost voditelja projekta i istraživačkog tima (maksimalno 40 bodova):

1. Akademsko/naučno zvanje voditelja projekta (maksimalno 5 bodova):

- Redovni profesor/naučni savjetnik 5 bodova
- Vanredni profesor/viši naučni saradnik 4 boda
- Docent/naučni saradnik 3 boda
- Viši asistent/istraživač viši saradnik 2 boda.

2. Radovi voditelja projekta objavljeni u referentnim časopisima ili zbornicima radova (proceedingsima) u periodu od posljednjih 5 godina (maksimalno 10 bodova):

- Za svaki rad u CC časopisu po 5 bodova
- Za svaki rad u SCI, SSCI i AHCI časopisu po 4 boda
- Za svaki rad ESCI časopisu po 3 boda
- Za svaki rad u SCOPUS časopisu po 2 boda
- Za svaki rad u časopisu u ostalim referentnim bazama i zbornicima radova (proceedingsima) po 1 bod.

3. Radovi članova istraživačkog tima projekta objavljeni u referentnim časopisima ili zbornicima radova (proceedingsima) u periodu od posljednjih 5 godina (maksimalno 10 bodova):

- Za svaki rad u CC časopisu po 5 bodova
- Za svaki rad u SCI, SSCI i AHCI časopisu po 4 boda
- Za svaki rad ESCI časopisu po 3 boda
- Za svaki rad u SCOPUS časopisu po 2 boda
- Za svaki rad u časopisu u ostalim referentnim bazama i zbornicima radova (proceedingsima) po 1 bod

Radovi članova istraživačkog tima rađeni u koautorstvu sa voditeljem tima, a koji su bodovani za voditelja tima, ne mogu se istovremeno bodovati i članovima tima.

4. Međunarodni i međuinstitucionalni karakter tima (maksimalno 5 bodova):

- u projekat su uključeni istraživači izvan BiH 3 boda
- u projekat su uključeni istraživači iz BiH izvan Tuzlanskog kantona 2 boda.

5. Uključenost mladih istraživača (10 bodova)

- u projekat je uključen student 3 ciklusa studija 5 bodova
- u projekat je uključen student 2 ciklusa studija 3 boda
- u projekat je uključen student 1 ciklusa studija 2 boda.

b) referentnost naučnoistraživačkog projekta (maksimalno 60 bodova):

1. Povezanost sa strateškim dokumentima iz člana 2. ove Odluke (maksimalno 10 bodova):

- na lokalnom nivou 1 bod
- na kantonalnom nivou 3 boda
- na federalnom nivou 5 bodova
- na državnom nivou 7 bodova
- na međunarodnom nivou 10 bodova.

2. Obezbijeđena sredstva iz drugih izvora (maksimalno 10 bodova):

- obezbijedena sredstva u iznosu do 10% od vrijednosti projekta 3 boda
- obezbijedena sredstva u iznosu od 11% do 30% vrijednosti projekta 6 bodova
- obezbijedena sredstva u iznosu od 31% do 50% vrijednosti projekta 10 bodova.

3. Kvalitet prijedloga projekta i implementacije istraživanja (maksimalno 30 bodova):

- originalnost projekta i kvalitet predloženih istraživanja maksimalno 15 bodova
- opis projekta, plan istraživanja, očekivani rezultati i ukupna cijena projekta maksimalno 15 bodova.

4. Uticaj i održivost projekta (maksimalno 10 bodova):

- postoji dokaz da će očekivani rezultati projekta imati vidljiv uticaj na institucije, ciljne grupe, društvo i slično maksimalno 5 bodova
- mjere su definisane i planirane tako da obezbijede da će očekivani rezultati biti dugoročno održivi maksimalno 3 boda
- postoje dokazi o drugim izvorima finansiranja koji će biti korišteni da se obezbijedi dugoročna održivost projekta maksimalno 2 boda.

(4) Maksimalan broj bodova koje projekat može ostvariti je 100 bodova.

(5) Ministarstvo može finansirati ili sufinansirati projekte koji traju do 12 mjeseci od dana prebacivanja sredstava.

(6) Ministarstvo dodjeljuje, u skladu sa finansijskim mogućnostima, sredstva za finansiranje ili sufinansiranje istraživanja odnosno naučnoistraživačkih projekata u dijelu koji se odnosi na sljedeće troškove:

a) rad istraživača, konsultanata i saradnika (najviše do 30% dodijeljenih sredstava);

b) materijalne troškove u funkciji provođenja istraživanja koji obuhvataju:

- putne troškove uključujući, smještaj i dnevnice, isključivo u svrhu realizacije projekta,
- potrošni materijal i sirovine neophodne za istraživanje,
- naknade za provođenje laboratorijskih i sličnih ispitivanja,
- troškove usluga u funkciji provođenja istraživanja;

c) troškove propagandnog materijala;

d) troškove publikacije i prezentacije rezultata istraživanja;

(7) Zahtjev za finansiranje ili sufinansiranje naučnoistraživačkih projekata podnosi se na posebnom obrascu koji je sastavni dio ove Odluke (Aneks I).

(8) Uz popunjen prijavni obrazac za finansiranje ili sufinansiranje istraživanja u okviru naučno-istraživačkog projekta potrebno je priložiti:

a) bibliografske podatke o voditelju i učesnicima projekta;

b) uvjerenje/potvrda o statusu studenta I,II ili III ciklusa studija sa akreditirane visokoškolske ustanove

c) dokaz o obezbijedenim sredstvima iz drugih izvora (ugovor/sporazum sa privrednim društvom, drugom naučnoistraživačkom organizacijom, ili drugim subjektom, sa jasno navedenim iznosom

obezbjedeđenih sredstava ili opreme za provođenje istraživanja, potvrda/izjava naučnoistraživačke organizacije o iznosu i namjeni obezbijedeđenih sredstava, ovjerena izjava istraživača o učešću svojim radom sa jasno navedenim iznosom sredstava, dokaz o posjedovanju opreme za provođenje istraživanja sa naznačenom vrijednošću iste);

d) ovjerena izjava/potvrda da naučnoistraživačka institucija raspolaže sa prostorom i naučnoistraživačkom opremom za obavljanje istraživanja

e) ovjerenu izjavu voditelja projekta da projekat nije u potpunosti finansiran iz drugih izvora.

f) dokaze o akademskom stepenu i naučnom zvanju za učesnike projekta koji nisu upisani u Registar istraživača;

g) identifikacioni broj institucije i spesimen potpisa sa brojem žiro računa, odnosno naziv banke i broj žiro računa pravnog lica kod banke i filijala (za pravna lica fakultet/univerzitet), osim za institucije koje su u sistemu trezorskog poslovanja.

(9) Podnosioci zahtjeva svojim potpisom i/ili pečatom potvrđuju tačnost dostavljenih podataka u aplikaciji, a Ministarstvo zadržava pravo provjere istih.

III – POSTUPAK DODJELE SREDSTAVA

Član 4.

(Raspisivanje javnog poziva)

(1) Sredstva iz člana 2. ove Odluke dodijelit će se putem javnog poziva.

(2) Odluku o raspisivanju javnog poziva za raspodjelu planiranih budžetskih sredstava sa budžetske pozicije 24010019 - "Nauka" za program osnovnih, primijenjenih i razvojnih istraživanja donosi Ministarstvo.

(3) Tekst javnog poziva utvrđuje Ministarstvo.

(4) Tekst javnog poziva se objavljuje na zvaničnoj veb stranici Ministarstva, od kada počinje teći rok za predaju dokumentacije.

(5) Javni poziv iz stava (4) ovog člana informativno se objavljuje i na veb stranici Vlade Kantona, ali objava na veb stranici Vlade Kantona ne utiče na tok trajanja roka za predaju dokumentacije.

(6) Javni poziv ostaje otvoren 30 dana od dana objavljivanja na veb stranici Ministarstva.

Član 5.

(Prijava na javni poziv)

(1) Prijave na javni poziv sa potrebnom dokumentacijom podnose se Ministarstvu u roku utvrđenom tekstom Javnog poziva.

(2) Prijava na javni poziv se vrši putem odgovarajućeg prijavnog obrasca, koji se može preuzeti na veb stranici Ministarstva i Vlade Kantona.

(3) Kandidat je uz popunjen prijavni obrazac obavezan dostaviti i dokumentaciju propisanu članom 3. ove Odluke.

Član 6.

(Imenovanje i sastav komisije)

(1) Proceduru po javnom pozivu provodi komisija koju imenuje ministar obrazovanja i nauke Tuzlanskog kantona (u daljem tekstu: ministar), u roku od 15 dana od dana isteka roka za podnošenje prijava na konkurs.

(2) Komisija za provođenje procedure po javnom pozivu ima pet članova, od čega su dva predstavnika Ministarstva i tri predstavnika registrovanih naučnoistraživačkih organizacija, koje predlaže Kantonalni savjet za nauku i tehnologiju.

(3) Komisija za svoj rad odgovara ministru.

(4) Članovi Komisije ne mogu biti lica čiji članovi porodičnog domaćinstva učestvuju u postupku za dodjelu sredstava po ovoj odluci.

(5) Članovi Komisije prije početka rada potpisuju izjavu o povjerljivosti podataka.

(6) Komisija je dužna razmotriti prijave u pogledu blagovremenosti i potpunosti, utvrditi broj bodova po svakom od kriterija, utvrditi konačan broj bodova po svim kriterijima, te predložiti iznos sredstava za dodjelu i najkasnije u roku od 30 dana od dana isteka roka za podnošenje prijave na konkurs sačiniti jedinstvenu rang listu i istu objaviti na web stranici Ministarstva.

(7) Rang lista kandidata obavezno sadrži:

a) osnovne podatke o aplikantu,

b) broj bodova po svakom od utvrđenih kriterija,

c) ukupan broj bodova po svim kriterijima,

d) predloženi iznos sredstava za dodjelu i

e) pouku o pravnom lijeku sa tačno naznačenim rokom za ulaganje prigovora.

(8) Neblagovremene i nepotpune prijave Komisija neće uzimati u razmatranje, a aplikanti se o istom obavještavaju sačinjavanjem posebne liste.

Član 7.

(Postupak po prigovoru i donošenje konačne rang liste)

(1) Na liste iz člana 6. stavovi (6) i (8) ove odluke, nezadovoljni kandidati mogu podnijeti prigovor u roku od osam dana od dana objavljivanja listi na web stranici Ministarstva.

(2) Prigovor se podnosi Ministarstvu u pisanoj formi.

(3) O podnesenim prigovorima odlučuje ministar u roku od 8 dana od dana isteka roka za podnošenje prigovora.

(4) Nakon okončanja postupka po prigovorima ministar utvrđuje konačnu rang listu dobitnika sredstava, i istu objavljuje na web stranici Ministarstva.

(5) Na osnovu rang liste iz stava (4) ovog člana ministar donosi Program raspodjele sredstava, uz saglasnost Vlade Kantona.

(6) Na osnovu programa iz stava (5) ovog člana ministar donosi pojedinačne odluke o odobravanju sredstava, u skladu sa operativnim sredstvima u Budžetu Tuzlanskog kantona za 2026. godinu na budžetskoj poziciji 24010019- Nauka.

(7) Na osnovu odluka iz stava (6) ovog člana Ministarstvo i dobitnici sredstava potpisuju ugovor o ostvarivanju projekata kojim se regulišu međusobna prava i obaveze.

(8) Svi aplikanti kojima su dodijeljena sredstva su obavezni da u svojim promotivnim i drugim projektnim materijalima namijenjenim javnosti, kao i u medijskim istupima, navedu da su projekti finansirani od strane Ministarstva obrazovanja i nauke Tuzlanskog kantona iz programa „Nauka“.

(9) Svi projekti koji budu odobreni u okviru programa „Nauka“ i realizirani u decembru 2026. godine smatrat će se integralnim dijelom programa obilježavanja Dana nauke u Federaciji Bosne i Hercegovine, te su aplikanti kojima budu dodijeljena sredstva obavezni da to navedu u svojim promotivnim i drugim projektnim materijalima namijenjenim javnosti, kao i u medijskim istupima, te o tome informiraju Ministarstvo.

Član 8.

(Izvrštavanje o realizaciji projekta)

(1) Korisnik sredstava obavezan je da po završetku realizacije naučnoistraživačkog projekta Ministarstvu obrazovanja i nauke Tuzlanskog kantona dostavi:

- a) finansijski izvještaj o utrošku dodijeljenih sredstava,
- b) narativni izvještaj o realizaciji projekta.
- c) dokaz o publiciranom radu u časopisu indeksiranom u referentnoj bazi podataka.

(2) Finansijski izvještaj se podnosi u posljednjem mjesecu trajanja projekta na posebnom obrascu koji je sastavni dio ove Odluke (Aneks II).

(3) Narativni izvještaj sadrži opis realizovanih aktivnosti, ostvarene rezultate u odnosu na odobreni projektni prijedlog, naučne i/ili društvene efekte projekta, učešće mladih istraživača, podatke o vidljivosti i diseminaciji rezultata istraživanja, te povezanost projekta sa međunarodnim istraživačkim inicijativama i programima, i podnosi se na posebnom obrascu koji je sastavni dio ove Odluke (Aneks III)

(4) Narativni izvještaj služi kao osnov za vrednovanje uspješnosti realizacije projekta i predstavlja sastavni dio dokumentacije o izvršenju ugovora.

(5) Dokaz o publiciranom radu u časopisu indeksiranom u referentnoj bazi podataka u kojem su predstavljeni rezultati istraživanja, dostavlja se najkasnije godinu dana nakon realizacije projekta. U objavljenom radu mora stojati da je isti, rezultat istraživanja realiziranog uz finansijsku podršku Ministarstva obrazovanja i nauke Tuzlanskog kantona.

(6) Nedostavljanje ili neblagovremeno dostavljanje izvještaja iz stava (1) ovog člana smatra se neispunjavanjem ugovornih obaveza i može biti osnov za djelimični ili potpuni povrat dodijeljenih sredstava, u zavisnosti od stepena realizacije projekta, a u skladu sa ugovorom.

(7) Ministarstvo može koristiti podatke iz finansijskih i narativnih izvještaja za izradu zbirnih analiza, izvještaja o realizaciji programa i unapređenje politike finansiranja naučnoistraživačke djelatnosti.

Član 9.

(Stupanje na snagu)

Odluka stupa na snagu danom davanja saglasnosti Vlade Kantona, važi za 2026. godinu, i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja i nauke
Broj: 10/1-35-000670-4/26
Tuzla, 17.3.2026. godine

MINISTAR

Dr. sc. Ahmed Omerović

Prilog I – Prijavni obrazac

PRIJAVNI OBRAZAC

PROGRAM: OSNOVNA, PRIMJENJENA I RAZVOJNA ISTRAŽIVANJA

Naziv projekta:	
Traženi iznos:	
Iznos sredstava obezbijđenih iz drugih izvora:	
Ukupna vrijednost projekta:	

1. OPĆI PODACI O APLIKANTU

Naziv naučne/visokoškolske institucije	
Sjedište, adresa, telefon, telefaks, internet adresa i e-mail institucije	
Ime i prezime voditelja projekta	

2. PODACI O NAUČNOISTRAŽIVAČKOM PROJEKTU

[illegible]

Očekivani rezultati istraživanja	
Nivo na kojem su primjenjivi rezultati projekta (obrazložiti)	
Povezanost projekta sa strateškim dokumentima (obrazložiti)	
Projekat je dio ili nadgradnja već odobrenog projekta (navesti naziv projekta i ko ga je odobrio)	

3. PODACI O VODITELJU PROJEKTA

Prezime (ime jednog roditelja) i ime	
Akademski stepen	
Naučno zvanje	
Uža specijalnost	
Ukupan radni staž u naučnom i istraživačkom radu	
Adresa stanovanja i broj telefona	
e-mail adresa	
Podaci o trenutnom i ranijim zaposlenjima	
Naučne reference voditelja projekta	
Učešće u prethodnim naučnoistraživačkim projektima	

Pod punom materijalnom, moralnom i krivičnom odgovornošću svojim potpisom voditelj projekta garantira da su podaci u ovom obrascu tačni.

POTPIS VODITELJA PROJEKTA

1. PODACI O NAUČNOISTRAŽIVAČKOM TIMU

A. Istraživači iz naučnoistraživačke institucije – izvođača istraživanja			
Prezime i ime	Akademski stepen i naučno zvanje	Angažovanje po mjesecima	Potpis kojim se daje saglasnost istraživača
B. Istraživači iz drugih institucija i pojedinci – konsultanti i vanjski saradnici			
Prezime i ime	Akademski stepen i naučno zvanje	Naziv NI institucije ili pojedinac	Potpis kojim se daje saglasnost istraživača

2. ODRŽIVOST NAUČNOISTRAŽIVAČKOG PROJEKTA

Dokaz da će projekat imati vidljiv uticaj na institucije, ciljne grupe, društvo i sl. (obrazložiti)	
Mjere za osiguranje dugoročne održivosti očekivanih rezultata projekta (obrazložiti)	
Drugi izvori finansiranja koji će osigurati dugoročnu održivost projekta (obrazložiti)	

3. FINANSIJSKI PREDRAČUN PROJEKTA

	Ukupan iznos sredstava	Iznos sredstava traženih od Ministarstva	Iznos obezbijedenih sredstava iz drugih izvora
1. Rad istraživača, konsultanata i saradnika:			
2. Materijalni troškovi (u funkciji provođenja istraživanja) 2.1. Putni troškovi uključujući i troškove smještaja 2.2. Dnevnice 2.3. Potrošni materijal i sirovine neophodne za proces izrade projekta 2.4. Troškovi štampe 2.5. Troškovi publikacije rezultata istraživanja			
3. Usluge:			
4. Ostalo:			
UKUPNO:			

VODITELJ PROJEKTA

ZA INSTITUCIJU

M.P.

Uz popunjen prijavni obrazac za sufinansiranje istraživanja u okviru naučnoistraživačkog projekta potrebno je priložiti:

- 1) bibliografske podatke o voditelju i učesnicima projekta;
- 2) dokaz o obezbijedenim sredstvima iz drugih izvora (ugovor/sporazum sa privrednim društvom, drugom naučnoistraživačkom organizacijom, ili drugim subjektom, sa jasno navedenim iznosom obezbijedenih sredstava ili opreme za provođenje istraživanja, potvrda/izjava naučnoistraživačke organizacije o iznosu i namjeni obezbijedenih sredstava, ovjerena izjava istraživača o učešću svojim radom sa jasno navedenim iznosom sredstava, dokaz o posjedovanju opreme za provođenje istraživanja sa naznačenom vrijednošću iste);
- 3) ovjerena izjava/potvrda da naučnoistraživačka institucija raspolaže sa prostorom i naučnoistraživačkom

opremom za obavljanje istraživanja

- 4) ovjerenu izjavu voditelja projekta da projekat nije u potpunosti finansiran iz drugih izvora;
- 5) dokaze o akademskom stepenu i naučnom zvanju za učesnike projekta koji nisu upisani u Registar istraživača;
- 6) identifikacioni broj institucije i spesimen potpisa sa brojem žiro računa, odnosno naziv banke i broj žiro računa pravnog lica kod banke i filijala (za pravna lica fakultet/univerzitet), osim za institucije koje su u sistemu trezorskog poslovanja;
- 7) druge potrebne dokumente kojima se dokazuje ispunjenost uvjeta iz Javnog poziva.

Podnosioci zahtjeva svojim potpisom i/ili pečatom potvrđuju tačnost dostavljenih podataka u aplikaciji, a Ministarstvo zadržava pravo provjere istih

Prilog II – Obrazac finansijskog izvještaja

FINANSIJSKI IZVJEŠTAJ
o utrošku sredstava dodijeljenih po javnom pozivu za Nauku

Korisnik sredstava	
Kontakt podaci	
Svrha dodjele sredstava	
Broj Odluke o dodjeli sredstava	
Odobrena sredstva	
Utrošena sredstva	
Vlastito učešće	
Sredstva drugih donatora	
Datum uplate sredstava na račun	

Mjesto i datum:

M.P.

Potpis ovlaštene osobe:

NAPOMENA:

Uz finansijski izvještaj kao dokaz o namjenskom utrošku sredstava obavezno priložiti:

- Fiskalne račune i odgovarajući račun A4 formata (potpisan od strane ovlaštene osobe i ovjeren pečatom) o kupovini roba ili pruženih usluga, (potrošnog materijala ili literature, promotivnih materijala, kopiranje, skeniranje i umnožavanje materijala i sl.)
- Dokaz da su računi plaćeni (kopije uplatnice/virmana ili izvod iz banke iz kojih je vidljivo da su obaveze za nabavljenu robu odnosno izvršenu uslugu plaćene)
- Za troškove putovanja kopiju ovjerenog putnog naloga sa priložima (avio/autobusne karte, obračun putnih troškova i fiskalni račun za sipanje goriva, račun za plaćeni smještaj, izvod iz banke gdje je vidljivo da je plaćanje izvršeno)
- Ugovore o djelu za učesnike projekta
- Dokaz da su honorari sa odgovarajućim porezima za učesnike projekta isplaćeni (kopije platnih lista, obrazac AUG-1031)

Pregled planiranih i ostvarenih troškova prilikom realizacije projekta

Rb.	Vrste troškova	Planirana/Odobrena sredstva (KM)	Utrošena sredstva (KM)	Razlika*
1				
2				
3				
4				
5				
6				
7				
8				
9				
10				
	Ukupno:			
Neutrošena sredstva (KM)**:				

* U slučaju razlike za svaku stavku priložiti posebno obrazloženje i dokaze

** Ukoliko postoje neutrošena sredstva izvršiti povrat na:

Transakcijski račun Budžeta Tuzlanskog kantona broj: 1321000309441357

Šifra prihoda: 000000

Općina: 000

Sa naznakom povrat neutrošenih sredstava po Odluci o odobravanju sredstava broj: (navesti broj i datum odluke)

Dokaz o izvršenoj uplati dostaviti na adresu: Ministarstvo obrazovanja i nauke, Muhameda Hevajja Uskufija 1

ANEKS III – Obrazac narativnog izvještaja

NARATIVNI IZVJEŠTAJ O REALIZACIJI NAUČNOISTRAŽIVAČKOG PROJEKTA

I. OPĆI PODACI

Naziv projekta:

Program: Osnovna / Primijenjena / Razvojna istraživanja

Broj i datum ugovora:

Naziv institucije – nosioca projekta:

Ime i prezime voditelja projekta:

Period realizacije projekta (od – do):

Ukupna vrijednost projekta:

Iznos sredstava dodijeljenih od Ministarstva:

Iznos sredstava iz drugih izvora:

II. REALIZACIJA AKTIVNOSTI

Kratak opis realizovanih aktivnosti po fazama projekta

(navesti da li su aktivnosti realizovane u skladu s planom i obrazložiti eventualna odstupanja)

III. OSTVARENI REZULTATI

Ostvareni rezultati u odnosu na planirane rezultate iz prijave:

Naučni rezultati projekta (radovi, publikacije, baze podataka, metodologije, prototipi, studije i sl.):

Status rezultata (objavljeno, prihvaćeno, u pripremi):

IV. UČEŠĆE MLADIH ISTRAŽIVAČA

Broj uključenih studenata:

I ciklus:

II ciklus:

III ciklus:

Opis njihovog doprinosa realizaciji projekta:

V. UTICAJ I ODRŽIVOST

Procjena naučnog, društvenog ili institucionalnog uticaja projekta:

Mogućnosti daljeg razvoja ili nastavka istraživanja:

Postoje li planovi za daljnje finansiranje ili primjenu rezultata:

VI. VIDLJIVOST I DISSEMINACIJA REZULTATA

Prezentacije rezultata (konferencije, skupovi, radionice):

Medijski nastupi i promocija:

Navođenje finansiranja od strane Ministarstva (da/ne):

VII. POVEZANOST PROJEKTA SA MEĐUNARODNIM ISTRAŽIVAČKIM INICIJATIVAMA ILI PROGRAMIMA (DA/NE, KRATKO OBRAZLOŽENJE).

Navešti da li je projekat povezan sa međunarodnim istraživačkim inicijativama ili programima. U slučaju postojanja povezanosti, navesti naziv programa ili inicijative, ulogu institucije u projektu i status (planirano, u pripremi, prijavljeno, odobreno).

VIII. ZAKLJUČNA OCJENA REALIZACIJE PROJEKTA

Kratka završna ocjena realizacije projekta, s osvrtom na ostvarene ciljeve i značaj projekta.

IX. IZJAVA VODITELJA PROJEKTA

Izjavljujem da su podaci navedeni u ovom izvještaju tačni i potpuni, te da su sredstva dodijeljena od strane Ministarstva obrazovanja i nauke Tuzlanskog kantona utrošena u skladu s ugovorom i važećim propisima.

Ime i prezime voditelja projekta:

Potpis:

Datum:

Pečat institucije: